

Yeshua: e Siguridat di Dios!!!

Awor Felipe a buska i haña Natanaèl i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José." (Juan 1:45).

Yeshua; Jesus di Nazarèt: e Lei di Dios Tata!!!.

"Di ningun manera boso no mester hasi loke nos ta hasi aki awe: tur hende ta hasi loke ta korekto den su mes bista. Pasobra te ainda boso no a yega na e lugá di Sosiegu i e Erensia ku SEÑOR boso Dios ta duna boso. Ora boso krusa Jordan i ta biba den e tera ku SEÑOR boso Dios ta duna boso pa Eredá, i E duna boso Sosiegu for di tur boso enemigunan rònt di boso, asina ku boso ta biba den Siguridat, e ora ei lo sosodé ku na e lugá ku SEÑOR boso Dios lo skohe pa Su Nòmber keda, ayanan boso mester trese tur loke mi Ordená boso: boso ofrendanan kimá, boso sakrifisionan, boso diesmonan, e Ofrenda di halsamentu i tur boso Ofrendanan di Promesa di mas mihó, ku boso mester hura na SEÑOR. (Deuteronomio 12:8-11).

Yeshua; Jesus di Nazarèt: di Kende e Profetanan di Dios Tata tambe a skirbi!!!.

Na Pas lo mi bai drumi i pega soño, pasobra ta Abo so, O SEÑOR, ta hasimi biba den Siguridat. (Salmonan 4:8). "Pa motibu di e opreshon di e pobernan, pa motibu di e kehamentu di esnan den nesesidat, lo Mi lanta awor," SEÑOR ta bisa: "Lo Mi pon'é den e Siguridat ku e ta anhelá na djé." (Salmonan 12:5). Lo mi Bendishoná SEÑOR, Kende a dunami Konseho; tambe mi Kurason ta instruimi den oranan di anochi. Mi a pone SEÑOR semper mi dilanti; pasobra E ta na mi Man Drechi, lo mi no wòrdu moví. Pesei mi Kurason ta kontentu, i mi alma ta Regosihá; mi karni tambe lo biba den Siguridat. (Salmonan 16:7-9). Bendishoná sea SEÑOR, mi Baranka, Kende ta tren mi mannan pa guera, i mi dedenan pa bataya; mi Mizerikòrdia i mi Fòrti, mi Toren Fuerte i Esun ku ta Librami; mi Eskudo i Esun den Ken mi ta tuma Refugio; Kende ta hasi pueblonan someté nan mes na mi. (Salmonan 144:1-2).

Ta kon Felipe por bisa: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José."

Felipe por bisa esaki pasobra:

Yeshua ta e Sosiegu.

Yeshua ta e Erensia.

Yeshua ta e Siguridat.

Yeshua ta e Nòmber.

Yeshua ta e Ofrenda.

Yeshua ta e Promesa.

Yeshua ta e Pas.

Yeshua ta e Bendishoná.

Yeshua ta e Konseho.

Yeshua ta e Kurason.

Yeshua ta e Baranka.

Yeshua ta e Mizerikòrdia.

Yeshua ta e Fòrti.

Yeshua ta e Toren Fuerte.

Yeshua ta e Eskudo.

Yeshua ta e Refugio.

7 Yüli 2019

Sea Bendishoná ku e Amor di Dios Tata; Yeshua Mesias

Un Fiel Sirbidó di Dios,

Remsly L Riley